



Inatsisartunut ilaasortaq Anthon Frederiksen, Partii Naleraq,
Maani/

Nannut pillugit apeqquteqaammut nr. 16-imut akissuteqaat

Aalisarnermut, Piniarnermut Nunalerinermullu Naalakkersuisoqarfik (APNN) ulloq 22. januar 2016, Inatsisartunut ilaasortamit, Anthon Frederiksen-imit (Partii Naleraq) nannut inoqarfinnut annguttartut pillugit allagarsivoq. Allakkiaq § 37, imm. 1 apeqqutit tiguneqarpoq uangalu akisussaaffinnut akisassanngortinneqarluni.

1-imut) Naalakkersuisut qanoq iliuseqarpat imaluunniit qanoq iliuseqarniarpat nannut inoqarfinnut takkuttalersut pillugit ?

2016-ip aallartinnerani Naalakkersuisoqarfimmit pilersaarutigineqarpoq nannut illersugaanerit piniagaanerallu pillugit nalunaarutip nutarterneqarnissaata aallartinneqarnissaa. Ilaatigut nannut ajornartorsiutaasartut illoqarfiup killeqarfiata iluanut pisarnerini ajornartorsiut aamma nunap ilaanut immikkoortunut pingasunut agguataarisinnaanermi periarfissaq Naalakkersuisoqarfimmit misissorneqassaaq. Taamaalilluni erseqqinnerulissaaq innuttaasut nannunik nunap ilaanut immikkoortuni assigiinngitsuni naapitsigaangamik qanoq iliortarsinnaanissaat.

Taaneqartut saniatigut Piniarnermut Naalakkersuisoqarfimmit sulissutigineqarpoq qasilitsunik seqqittaatinik aamma aqerlunik gummiusunik Kalaallit Nunaannut ersisaarutissatut pissarsiniarnissaaq, tamakku aamma nunani issittumiittuni allani atugaapput. Inatsisilerinikkut apeqqutit qulaajarneqartussaapput, tassami qasilitsunik seqqittaatit Kalaallit Nunaanni atorneqarnissaat inerteqqutaammat. Issittumi Sakkutooqarfiup qasilitsunik seqqittaatit aamma aqerlut gummiusut misilittaaffigissavaat. Issittumi Sakkutooqarfiup akulerutsinneqarneranut pissutaasoq unaavoq Sirius Patruljen ukiut tamaasa Tunumi nannunik ajornartorsiutaasartunik aamma naammattuuisarmat, taamaasillutik ukiuni arlaqartuni nannunik qaninngoortunik misilittagaqarlutik.

2-mut) Naalakkersuisut immikkut akuersissuteqarsinnaappaat, nannut inoqarfinnut "iserlutik" ulorianartorsiortitsisut toqunneqartarnissaannut?

Naggasiullugu nalunaarutigissavara nannunik illersuineq piniarnerlu pillugit nalunaarummi atuuttumi § 12 naapertorlugu imminut illersortariaqarluni iliortoqartariaqarluniluunniit pigisat illersorniarlugit imminulluunniit illersorniarluni Naalakkersuisut nannussinnaatitsimmata. Pisuni taamaattuni Pinerluttulerinermut inatsimmi aalajangersakkat malinneqassapput. Tassa imaappoq, kinaluunniit ulorianartorsiortutut misigaluni imminut illersortariaqarluni iliortoqartariaqarluniluunniit pigisat illersorniarlugit imminulluunniit illersorniarluni nannussinnaatitaavoq. Nalunaarut nutarterneqalerpoq, tassani imminut illersortariaqarluni iliortoqartariaqarluniluunniit pillugit aalajangersakkat ersarissarneqassallutik.

Nalunaarummik nutarterinerup ilaatut nannunik naapitsinermi maleruagassat iluarsartuunneqassapput. Tamatuma saniatigut paasissutissiisarnikkut suliniuteqarneq Naalakkersuisoqarfimmit annertusisinneqassaaq, ilaatigut qarasaasiami nittartakkatigut aamma

29-01-2016
Suliap normua 19624
All. nr. 2017312

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

naqitatigut ilisimatitsisarnikkut. Kiisalu Naalackersuisoqarfimmit suliniutaasinnaasut allat pingaartumik Tunumi sukumiinerusumik naliliivigineqassapput, tamatumanimi ajornartorsiutit annertu-nerpaat takuneqartarmata.

Inussiarnersumik inuulluaqqusillunga

Karl Kristian Kruse